

# TEZĂUR LITURGIC

**4 IULIE**

# ACATISTUL SF. MUCENIȚE TATIANA NICOLAEVNA DE LA MOSCOVA



**MOSCOVA, 2000**



# АКАФИСТ СВЯТОЙ СТРАСТОТЕРПИЦЕ, БЛАГОВЕРНОЙ ЦАРЕВНЕ РОССИЙСКОЙ ТАТЬЯНЕ

## Кондак 1

Избранная от рода царственного державного  
угоднице Христова, страны российский  
небесная, заступнице и усердная о душах наших  
молитвеннице, благоверная царевно Татиано,  
пение похвальное с верою и любовью приносим  
ти: ты же, яко имуща дерзновение велие ко  
Прославльшему тя, Гостоду ото всяких бед и  
скорбей избави нас, да с умилением зовем ти:  
Радуйся, святая новомученице царевно Татиано,  
теплая молитвеннице о спасении нашем!

## Икос 1

Ангелов собеседнице и человеков наставнице  
воистину явилась еси, всехвальная царевно  
Татиано, добродетельнаго жития твоего и  
мученическаго кончины ради. Мы же (ведущее  
яко по словеси псалмопевца «дщери царей в  
чести Божией» (Пс. 44;10) почивают), к  
представительству твоему прибегаем, с любовью  
и надеждою взываем ти сице:  
Радуйся, яко Царь царей возжела доброты твоея!

(Пс. 44:12)

Радуйся, яко Создатель Мира отверзе ти чертоги своя!

Радуйся, радость вечную во светлостех святых стяжавшая!

Радуйся, равноангельскую честь достойне приявшая!

Радуйся, чтущих тя пред Богом поминающая!

Радуйся, о прославляющих тя Господа умоляющая!

Радуйся, от обычаев душетленных сердца наша отвращающая!

Радуйся, нравы добрыя и благочестие в нас насаждающая!

Радуйся, святая новомученице, царевно

Татиано, теплая молитвенице о спасении нашем!

## **Кондак 2**

Видевши тя благоверныя родителя твоя ,царь Николай и царица Александра, преуспевающу возрастом и премудростью и всеми добродетельми украшаемую, возрадовашесе о тебе, благодарю поя премудрости наставнику и смысла подателю Бога: Аллилуйя!

## **Икос 2**

Разум небесный тебе даровася, святая царевно Татиано, от дней детства твоего, яко непрестанно помышляла еси о Спасителе (и

заповеди Его усердно творила еси), богомудрою матерью твоею наставляема, молитву и дела благочестия паче забав мирских (и почестей царских) возлюбила еси. Мы же, сия поминающе, таковыя похвалы приносим ти: Радуйся, боговенчаннх родителей дщи порфирородная!

Радуйся, водительству Духа Святаго издетски прилежавшая!

Радуйся, благим деянием венценосных предков твоих подражавшая!

Радуйся, верою праотцу твоему, патриарху Филарету, поревновавшая!

Радуйся, смирение и боголюбие царей Михаила и Алексия наследовавшая!

Радуйся, твердостью воли Петру Великому уподобившаяся!

Радуйся, мудрость праматери твоея, королевы Виктории (царицы Екатерины) восприявшая!

Радуйся, в милосердии (российской) царице Марии последовавшая!

Радуйся, святая новомученице, царевно Татиано, теплая молитвеннице о спасении нашем!

### **Кондак 3**

Силою Вышняго укрепляема, преславная царевно Татиано, егда в доме царственного отца твоего заповедей Христовых усердное хранение

и в благочестии преспеяние видевши, навыкла еси от дней детства твоего о спасении душевнем паче всего ревновати и в теплых молитвах Господеви взывати: Аллилуйя!

### **Икос 3**

Имуще благочестивыя родители прилежала еси, всехвальная царевно Татиано, богоугодному житию, благодатию Божиею во всяцем деле блазе подкрепляема суще. Тем же, дивящееся таковому от юности твоя рачению, с умилением зовем ти:

Радуйся, от младых ногтей страх Божий имевшая!

Радуйся, в путех Господних непорочно ходившая!

Радуйся, чтению Божественных писаний навыкшая!

Радуйся, жития святых и поучения их возлюбившая!

Радуйся, всякое дело твое с молитвою сопрягавшая!

Радуйся, с родители твоими благословению и наставлению иереев Господних внимавшая!

Радуйся, со страхом Божиим и усердием храму Божьему и службам церковным прилежавшая!

Радуйся, к Царствию Небесному духовные взоры твоя обратившая!

Радуйся, святая новомученице, царевно

Татиано, теплая молитвеннице о спасении нашем!

#### **Кондак 4**

Бурю скорбей и напастей, злобою мира сего воздвигагаемую верою твоею, трезвением сердечным и молитвами горячими, утолила еси до конца, святая царевно Татиано; ныне же убо, причащаяся славы небесныя со всеми новомученники российскими, предстоиши Христу – Царю Славы, воспевая: Аллилуйя!

#### **Икос 4**

Слышавше, преславная царевно Татиано, глаголы апостольския, яко подобает убо женам и девам христианским стяжати красоту нетленную «кроткаго и молчаливаго духа, еже есть пред Богом многоценно» (1 Петр., 3;4.).

Сему усердно последовала еси. Мы же, сие поминающе, просим тя: укрепи нас в житии благочестивом и добродетельном и приими любовь приносимья величания сия:

Радуйся, благое иго Христово на себе восприимшая!

Радуйся, в житии твоём угодником Божиим подражавшая!

Радуйся, ближних твоих паче себе самой возлюбившая!

Радуйся, во образ девам христианским свыше

предназначенная!

Радуйся, светом Божиим от растления нас охраняющая!

Радуйся, дев и юношей в целомудрии утверждающая!

Радуйся, от глада духовнаго всех нас избавляющая!

Радуйся, любви к Божьему творению всех нас научающая!

Радуйся, святая новомученице царевно Татиано, теплая молитвеннице о спасении нашем!

### **Кондак 5**

Боготечной звездою, спасения путь указующей, явился тебе, благоверная царевно, житие святой мученицы Татианы Римской; ей бо подражающе, в милосердии и служении ближним усердно позвизалася еси; и, яко оная, житие твое мучеснически скончавше, востекла еси в чертози Царя Небеснаго, идеже, купно с нею Господеви воспеваеши: Аллилуйя!

### **Икос 5**

Видим тя, благоверная царевно Татиано, у Престола Божьего предстоящую и за нас грешных молящуюся и обретая твоим заступлением в скорбех – утешение, в недузех – исцеление, в бедах – скорое вспоможение, величаем возвеличившего тя Царя Славы

Христа, тебе же, нашей теплой предстательнице,  
от любви сердечный вопием:

Радуйся, в неизреченной славе Творца мира  
созерцающая!

Радуйся, с лики мученическими хвалу Богу  
воспевающая!

Радуйся, с небесных высот к нам милостиво  
прикающая!

Радуйся, теплотою Божественной любви души  
наша согревающая!

Радуйся, в скорбех и болезнях терпению  
Христову нас научающая!

Радуйся, недуги телесные и язвы духовныя  
исцеляющая!

Радуйся, бремя житейское носить нам  
помогающая!

Радуйся, смирением души верных  
обогащающая!

Радуйся, святая новомученице царевно Татиано,  
теплая молитвеннице о спасении нашем!

### **Кондак 6**

Проповедницу добрых дел явила еси себе,  
блаженная царевно Татиано, егда во дни  
испытания военного купно с матерью-  
императрицею Александрою и сестрою твоею,  
царевною Ольгою, во врачебнице усердно  
потрудились еси, воинов раны благоискусно  
целяще. Сего ради, надеющиеся на твое

милосердное о нас попечения, усердно прибегаем к твоему заступлению, взывающе благодарно Богу: Аллилуйя!

### **Икос 6**

Возсия в боголюбивой души твоей, святая Татиано, свет истиннаго боговедения; ты бо, благодатию Божественною просвещаемая, заповеди Христовы о любви к Богу и ближнему со усердием радостно исполняла еси. Мы же, сие ныне поминающе, молим тя, благоверная царевно, озари и нас лучами добродетелей твоих и милостиво прими величания сия:

Радуйся, мудрая евангельская дево во свете веры и дел благих ходившая!

Радуйся, служению святых жен – мироносиц Марии и Марфы подражавшая!

Радуйся, спасению и исцелению ближних себе посвятившая!

Радуйся, от похоти себялюбия нас исцеляющая!

Радуйся, милосердие в сердцах наших пробуждающая!

Радуйся, страждущим служить нас подвизающая!

Радуйся, светом радости души наша озаряющая!

Радуйся, за вся Творца благодарити нас научающая!

Радуйся, святая новомученице, царевно

Татиано, теплая молитвеннице о спасении нашем!

### **Кондак 7**

Хотяще невозбранно духом в Горные селения возноситься, пречудная царевно Татиано, в бушующем мире душою надмирно пожила еси, подвигом добрым до конца подвизаясь, труды ко трудам прилагая, неустанно достойно и праведно поя Богу: Аллилуйя!

### **Икос 7**

Дивныя показа дела Своя Господь в тебе, пречудная царевно Татиано, ибо все житие ибо все житие твое на земли многими печальми и болезльми исполнено бе от клеветы и досаждения, укорения и иных многих бед и напастей. Ты же, глас хулы и поношения слышавше, в Бозе духом твоим пребывался еси и николиже в помыслах твоих не смутилася еси. Мы же ныне просим тя: вдохни в сердца наша дух любви к Богу и ближним нашим и приими милостиво величания сия:

Радуйся, в кротости и смирении Христу Богу и Пречистой Его Матери подражавшая!

Радуйся, силою свыше на брань протву сил преисподних препоясанная!

Радуйся, от почестей земных всецело отвратившаяся!

Радуйся, скорби и испытания в богатство духа претворившая!

Радуйся, грешников ко исправлению направляющая!

Радуйся, пламень злобный струями любви твоея угосающая!

Радуйся, молитвами твоима веру нашу укрепляющая!

Радуйся, беды и печали от чтущих тя отгоняющая!

Радуйся, святая новомученице царевно Татиано, теплая молитвеннице о спасении нашем!

### **Кондак 8**

Странно и преславно бысть житие твое, благоверная Татиано, како убо славою царственною почтена суще, нищету духовную, паче богатств и славы мира сего, возлюбивше, в подвигах молитвы и благочестия сокровище нетленное души твоея стяжала еси. Кто убо возможет достойно воспети страдания твоя, яже Христа ради добропобедно претерпела еси. Мы же, вся сия же, поминающее ныне, Богу Нашему, Дивному во святых Своих, умиленно взываем: Аллилуйя!

### **Икос 8**

Все упование, всю надежду возложила еси Господа Нашего Иисуса Христа, премудрая

Татиано, егда во дни мятежа народного, злочестивыми людьми супротив отца твоего воздвигнутого, в палатех царстих, аки в темнице, заточена была еси; милосердною любовию твоею движимая, утешительница богомудрая и помощница многоусердная, явилась еси матери твоея и ближним твоим. Мы же ныне просим тя, угоднице Божия, укрепи и нас во дни испытаний наших, да зовем ти: Радуйся, дево святая, веру великую стяжавшая! Радуйся, славу человеческую ни во что же вменившая! Радуйся, в женстем естестве мужескую крепость показавшая! Радуйся, с верою и любовию (понесшая крест твой и )Христу последовавшая! Радуйся, прелести мира сего ради спасения презревшая! Радуйся, во дни скорбей твоих николи же не возроптавшая! Радуйся, раба Бога Вышняго, волю Его сотворившая! Радуйся, веру Христову до конца сохранившая! Радуйся, святая новомученице царевно Татиано, теплая молитвеннице о спасении нашем!

### **Кондак 9**

Всякия похвалы достойна еси, благоверная царевно Татиано, ибо ты правды Христовой и

верности Спасителю ради лишения и страдания многообразныя претерпела еси, моляще Всеблагаго Господа Иисуса о даровании ти укрепления благодатнаго. Мы же, Всемилостиваго Бога, озарившего тя светом своим , славим и вопием Ему: Аллилуйя!

## **Икос 9**

Витийство человеческое не возможет изрещи вся скорби, унижения, болезни и муки инья , яже претерпела еси на крестном пути твоём, всехвальная царевно Татиано, токмо в Бозе (в молитве) отраду и утешение обретая. Мы же вся сия ныне поминающе, вере и терпению твоему точию дивящися и любовью вдохновляемы, со умилением и радостию взываем ти:

Радуйся, мир Божий в сердце твоём стяжавшая!

Радуйся, гонения и притеснения смиренно приявшая!

Радуйся, дивную крепость духа в скорби показавшая;

Радуйся, родителям твоим утешение приносившая;

Радуйся, сестер и брата духовно укрепившая;

Радуйся, и нас в кротости и терпении утверждающая;

Радуйся, волю Божию исполняти нас научающая!

Радуйся, от заблуждений духовных нас  
исцеляющая!

Радуйся, святая новомученице царевно Татиано,  
теплая молитвеннице о спасении нашем!

### **Кондак 10**

Спасительного подвига твоего вспоминая  
течение, радуемся и славословим

Подвигоподвижника Христа, благодатию своего  
тя укрепившего; ты бо, премудрая Татиано,  
древлим мучеником и страстотерпцем подобно  
(аки на пиршество праздничное) в спокойствии  
духа на Голгофу твою востекла еси, веруя  
несомненно, яко двери Царствия Небеснаго  
отверзаются всем, до конца претерпевшим. Мы  
же сего ради Господеви взываем: Аллилуйя!

### **Икос 10**

Стене нерушимой и адаманту крепчайшему  
подобна явилась еси, святая царевно, егда  
(злочестивыми и) демоноподобными  
богоотступниками во граде Екатеринбурзе во  
узах темничных заточена суще, многие муки  
душевныя с надеждою о Господе претерпела  
еси; после же купно с семью и слуги верными  
чашу смертную кротце испила еси. Сего ради,  
величая твое долготерпение, со смирением зовем  
ти:

Радуйся, токмо во Христе Распятом отраду

обретавшая!

Радуйся, благодать молитвы о врагах твоих  
стяжавшая!

Радуйся, крылами богомыслия сети вражия  
сокрушившая!

Радуйся, велию верою твоею страх смертный  
победившая!

Радуйся, кровию твоею торжество веры  
Христовой явившая!

Радуйся, ( царския) ризы твоя в крови агнчей  
убелившая;

Радуйся, в дому Отца Небеснаго обитель себе  
сотворившая!

Радуйся, нетленный венец славы от Спасителя  
приявшая!

Радуйся, святая новомученице царевно Татиано,  
теплая молитвеннице о спасении нашем!

### **Кондак 11**

Пение благодарственное приносим ти, угоднице  
Божия; ты бо горячими молитвами твоима,  
всякия скорби и напасти избавявши нас,  
святая благоверная царевно Татиано, сего ради  
молим тя: испроси нам вся ко временной и  
вечней жизни полезная, да сподобимся Горняго  
Иерусалима достигнути и купно с тобою выну  
Господеву воспевати : Аллилуйя!

## Икос 11

Света нетварного зрительнице и радости  
Божественная сопричастнице явилася еси,  
святая стратотерпице Татиано. Тем же молим  
тя: не престани молиться о всех нас, да  
помилует нас Господь твоего предстательства  
ради, и сподобит нас немощных новую силу  
нечестия посрамить и победители злонравия  
явистися, да ублажаем тя сицевыми похвалы:  
Радуйся, се бо ангелы ликуют с тобою на  
Небеси!

Радуйся, яко человецы восхваляют тя на земли!

Радуйся, с мученики и всеми святыми  
ликовствующая!

Радуйся, со всеми избранными Божиими присно  
торжествующая!

Радуйся, струи милостыни Господней верным  
изливающая!

Радуйся, от плевел ненависти сердца наша  
очищающая!

Радуйся, светом любви нелицемерная нас  
озаряющая!

Радуйся, милосердие Божие к нам  
приклоняющая!

Радуйся, святая новомученице царевно Татиано,  
теплая молитвеннице о спасении нашем!

## **Кондак 12**

Благодать, данную ти от Господа Нашего введуще, с любовью восхваляем тя, всехвальная царевно Татиано, помышляя, яко не возможем по достоянию (изобразити) воспети и восхвалити величие и славу твою (, яже на небесех стяжала еси ,) и просим тя: молись о нас, многогрешных, да милостлив будет Господь и к нам ходатайства твоего ради, вопиющим /о тебе/ Ему: Аллилуйя!

## **Икос 12**

Поюще пение похвальное усты недостойными, уповаем на милость Божию и твое, святая страстотерпице Татиано, заступление и предстательство за нас, многогрешных, и просим тя: не престани молитися за ны купно с благоверными и боговенчанными родителями твоима, братом и сестры и всеми новомученики и страстотерпцы земли нашея, да помилуй нас Господь вашего представительства ради; о сем же въздыхающе, таковыя похвалы ти, святая Татиано, приносим:

Радуйся, заповеди Евангельския исполняти нас научающая!

Радуйся, богатых к милосердию и благотворению подвизающая;

Радуйся, бедным отраду и вспоможение дарующая;

Радуйся, труды наша на пути спасения

облегчающая!

Радуйся, тайно творити добродетели  
наставляющая!

Радуйся, к благочестия подвигам нас  
призывающая!

Радуйся, от искушений и соблазнов  
избавляющая!

Радуйся, всех нас в час смертный  
укрепляющая!

Радуйся, святая новомученице царевно Татиано,  
теплая молитвеннице о спасении нашем!

### **Кондак 13**

О, святая благоверная царевно и преславная  
мученице Христова Татиано, теплотою любве  
твоя ко Господу, посети и согрей души наша, и  
приими убогое сие молитвенное приношение  
наше(, яко венец похвалы сердечныя,) и (, яко  
фимиам благовонный,) вознеси молитву твою ко  
всех Владыце ( и Богу) и испроси земли нашей  
мира благоденственнаго, Церквам Божьим –  
единства и благосостояния; нам же всем  
чистоты сердечныя и любве  
непорочныя,(нелицемерныя) да спасаемы тобою,  
хвалебную песнь вопием Господеви: Аллилуйя!



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НУЖЕ  
НЕБО**